

Leikskólar Borgarbyggðar

Leikskólinn er samkvæmt lögum fyrsta skólastigið og annast að ósk foreldra uppeldi og menntun barna undir skólaskyldualdri. Menntamálaráðuneytið mótar uppeldisstefnu fyrir leikskólastarf í landinu og gefur út aðalnámskrá leikskóla þar sem kveðið er á um uppeldis- og menntunarlutverk leikskólans, gildi leiksins og meginstefnu varðandi starfshætti og innra gæðamat. Leikskólinn er ekki skyldunám.

Allir leikskólar starfa eftir sömu lögum og aðalnámskrá en þeir hafa ólíkar áherslur í starfi. Sérhver leikskóli hefur skólanámskrá þar sem fram kemur hugmyndafræði og áherslur í starfi viðkomandi leikskóla. Leikskólinn er fyrir öll börn óháð, andlegu og líkamlegu atgervi, menningu og trú.

Í Borgarbyggð eru sex leikskólar fyrir börn á aldrinum 1 ½ árs – 6 ára.

Í Borgarnesi eru tveir leikskólar; Klettaborg og Ugluklettur, á Hvanneyri er leikskólinn Andabær, í Reykholti er leikskólinn Hnoðraból, á Varmalandi er einn leikskóli og á Bifröst er leikskólinn Hraunborg. Opnartími leikskólanna er misjafn frá kl. 07.45-17.15 alla virka daga. Dvalartími er 4 – 9,5 klst á dag og foreldrar eru beðnir um að virða dvalartíma barna sinna. Hægt er að fá aukalega 15 eða 30 mínútur sem nýta má sitt hvoru megin við dvalartímann.

Rekstraræðili leikskólanna er Borgarbyggð sem hefur eftirlit með starfi og rekstri og falla málefni leikskólanna undir fræðslunefnd. Leikskólastjóri stjórnar starfi leikskólans í umboði rekstraræðila. Leikskólarnir starfa samkvæmt verklagsreglum um leikskóla Borgarbyggðar og hafa allir sömu gjaldskrá, þar koma fram þeir dvalartímar sem eru í boði. Innifalið í leikskólagjaldinu er umönnun, nám, fæði og sérkennsla ef þess er þörf. Leikskólagjald er greitt fyrirfram í byrjun hvers mánaðar og er innheimt með gíróseðli.

Leikskólastarfið

Í leikskóla fer fram markvisst nám og leikur sem miðar að því að undirbúa barnið fyrir lífið og síðari skólagöngu. Áhersla er m.a. lögð á málþroska, hreyfiproska, vitsmunaproska, félags- og tilfinningaproska og skapandi starf. Helstu þættir í leikskólastarfi eru fjáls leikur, útivera, samverustundir, hópastarf, hvíldarstundir og matartímar. Í leikskólanum læra börn að umgangast og leika við önnur börn, hlusta á sögur, syngja, taka þátt í fjölbreyttri sköpun, njóta útivistar og taka þátt í ýmskonar daglegum störfum.

Í leikskólastarfinu er gert ráð fyrir fjölbreytileika, ólíkum sjónarhornum, ólíkum áherslum, mismunandi menning er virt og lögð áhersla á að öll börn skuli njóta sömu tækifæra. Erlendis foreldrar eru hvattir til að kynna landið sitt, koma með t.d. bækur, myndir eða annað að heiman. Það auðgar leikskólastarfið að kynnast því í raun að fólk er mismunandi í útliti, talar ólík tungumál, hefur ólíka siði og játar mismunandi trú.

Tungumál

Fyrstu sex ár ævinnar eru sérstaklega mikilvæg fyrir málþroskann og á þessum aldri eiga börn auðvelt með að læra fleiri en eitt tungumál. Ef börn hafa næg tækifæri til að heyra tungumálin notuð í venjulegum samræðum geta þau þróað hæfileikann til að nota fleiri en eitt tungumál. Mikilvægt er að foreldrar leggi rækt við móðurmál barnsins, í leikskólanum lærir barnið íslensku en mikilvægur grunnur fyrir íslenskunám er góð færmi í eigin tungumáli. Foreldrar eru því hvattir til að tala sitt tungumál við barnið.

Aðlögun

Í upphafi leikskólagöngu þarf barnið að fá að venjast nýju umhverfi hægt og rólega og tekur aðlögun nokkra daga. Áður en aðlögun hefst er foreldravíðtal þar sem foreldrar fá upplýsingar um leikskólann og gefa helstu upplýsingar um barnið og annað sem skipt gæti máli.

Ákveðinn starfsmaður sér að mestu um barnið þessa fyrstu daga og ætlast er til að foreldrar séu með í aðlögun barnsins. Góð samvinna og gagnkvæmur trúnaður milli foreldra og starfsfólks er forsenda þess að leikskóladvölin verði barninu ánægjuleg og árangursrík. Mikilvægur þáttur í þessari samvinnu er aðlögunin, þar sem lagður er grunnur að góðu samstarfi milli foreldra og starfsfólks. Mikilvægt er að foreldrar láti vita ef taka þarf tillit til trúar eða einhvers sérstaks í menningu viðkomandi. Tülkur er fenginn a.m.k. í fyrsta viðtal og eftir þörfum. Árlega eru ca 1-2 foreldraviðtöl, a.m.k. einn foreldrafundur og fleira sem auglýst er sérstaklega.

Ýmsar upplýsingar

Daglegar upplýsingar um barnið heima og í leikskólanum eru mjög nauðsynlegar og miðlar starfsfólk upplýsingum eftir bestu getu, jafnframt er ætlast til þess sama af foreldrum. Starfsfólk leikskólans er bundið þagnarskyldu.

Það er mikilvægt fyrir barnið að mæta vel og stundvíslega í leikskólann. Æskilegt er að börnin séu í fötum sem sjá má á og hafi aukaföt ef eitthvað kemur uppá. Útiföt þurfa að vera í samræmi við veðurfar og nauðsynlegt er að börnin hafi góð og hlý föt þegar þannig viðrar.

Í leikskólanum kynnist barnið íslensku samfélagi, menningu og venjum, afmæli barnanna eru haldin hátiðleg í leikskólanum, jólin eru undirbúin og á þorranum er haldið í gamlar hefðir m.a. með því að borða þjóðlegan íslenskan mat.

Samkvæmt skóladagatali eru leikskólarnir lokaðir á lögbundnum frídögum skv. kristnu dagatali, einnig sumardaginn fyrsta, 1. maí, á þjóðhátiðardaginn 17. júní, á frídegi verslunarmanna og þrjú virka daga þegar leikskólastarfið er skipulagt. Öll börn þurfa að taka samfellt 4 vikna sumarleyfi.

Hægt er að sækja um leikskóladvöl á heimasíðu Borgarbyggðar, <http://www.borgarbyggd.is>, þar er einnig hægt að nálgast heimasíður leikskólanna.

VELKOMIN Í BORGARBYGGÐ

Upplýsingar um leikskóla fyrir foreldra af erlendum uppruna



